

巴陵縣志卷之三十九

人物志十二 咸豐殉難諸人列傳

嗚乎李阮二氏之死賊烈矣彼非有保疆圉捍民人必以身殉之責顧不惜糜爛肢體以膏寇鋒且舉全家而擲之若出於至愚不識事勢所爲者豈非以義憤所激者深而重有不得已哉然余攷巴陵爲縣以來無論漢唐自宋元以迄 國初經兵難者數矣以今事推之陷胷決脰義不返顧者前豈無人而韓氏女二三人外文詞不少概見湮沒無傳余甚閔而悲焉比年從專縣乘蒐討故實最後見所謂湖南褒忠錄者得吾縣十許人而惜其尙有未盡因合壬申志所列通其詳略而聯書之夫書

巴陵縣志

卷之三十九

人物志十二殉難

一

之自余果能決其傳之自余乎雖然書之且未必傳而况夫不書逆計其未必傳而遂不書則奚以釋憾於死者歟此余於舊志之遺缺所爲慨然太息而大懼夫今之猶昔也褒忠錄分隸諸人於殉團殉貞各門茲統自以殉難而男女不復別卷閨門纖弱行事旣烈烈丈夫矣前明秦良玉與冑臣同居列傳史體蓋如是焉爾

黃烈婦杜氏安鄉教諭黃鎔季子大昕妻咸豐二年冬十一月粵賊入郡城旋去十二月潮勇至大肆淫掠有劫杜者給之得間投井死其族父棠爲銘其墓曰烈女茅姑余再從弟女其母徐氏初乳而生字於同邑黃今布衣黃大昕其夫也名士前安

鄉縣廣文秋士鎔舅也生嘉慶己卯年九月十六日丑時咸豐
壬子十一月初五是其卒日也始予於廣文爲再從內弟相友
善以予長女許字其次子大田大田未及婚而夭越三年長女
以素服歸安鄉學署挈茅姑行因爲童養婦越明年完婚能爲
婦舅姑重之歲己酉廣文移疾歸旋舉孫盛宏茅姑出也同治
元年壬子冬十一月粵匪掠岳州旣去而防兵來統領未得其
人兵入黃氏宅裔女同行女計不能脫給之曰軍中喜靜恐此
子啼吾以授吾姑可乎兵領之倉皇與汝俱安所得禦寒服我
有繇衣數事隨我往取可乎兵又領之女因疾步至井所投之
兵駭愕不知所爲姑與其長姒懼匿他處亦未知其之死靡他
巴陵縣志

卷之三十九

人物志十二殉難

二

也女未嘗就學特偶聽其舅及吾女講論忠孝節義云云乃遂
能以智完其節若此豈非其所稟者殊耶而又與吾女俱婦黃
氏爲娣姒何其異也子一卽盛宏女二其父小舫屬予爲之銘
銘曰未學猶學兮正氣則鍾捐軀就義兮獨慷慨以從容并泉
竭兮螿石泐吾銘汝幽名不滅邑士人多爲詩以詠其事者同
時營兵張大茂妻蔣氏年三十有美色亦以潮勇追急投考棚
側井中死明日出其尸兒猶抱手中未釋也

不知姓名男子咸豐二年十月某日賊自長沙竄岳州此男子
遇賊城東迎暉門肆詈賊攢矛刺之死居東門熊姓老人當時
日擊其事然居民逃散竟無從問爲誰也

李春沂字載詠邑諸生咸豐二年與生員李承昉文童李巨典等倡行團練岳州失守土匪四起焚署劫餉合邑騷然春沂等禦賊於沙溪擒渠賊趙捷權等會官軍至土匪悉平四年黃州賊上竄岳州復陷賊分黨攻團春沂巨典皆戰死

見湖南
褒忠錄

李承昉字時鑑邑諸生咸豐五年警報不時至承昉復舉行團練署曰復振團是年春賊踞通城承昉督團勇越省會勦三月二十七日與賊大戰花涼亭力絀死之同時哨長李管城李載誌隊長李君宜李載璜李時玉李昇梅皆殉均從祀岳州昭忠

祠

見湖南
褒忠錄

李載昆李時仁李際清李玉民李大有李載商李載切李自道

巴陵縣志

卷之三十九

人物志十二殉難

三

李日新李西巖李逢青李道平李載交李時章李時年李時樹李連江李時保李時仁李際新李載祖李德運李文元李善育李同和李時全李春斗李利元李萬春李敏書李常一均復振團勇五年六月臨湘令姚榮鄉率師勦賊失利戰歿賊四竄二十四日團總李鉅福等督勇堵臨邑柳樹廠因賊眾無險可守遂退賊躡追與戰於四六房李氏門首血戰數時載昆等歿於陣其時團總李康元等被圍窘甚適有貿易人至取木挑擊賊數賊皆踏康元等乘閒逃貿易人旋被賊圍殺平江人姓名不詳李姓一門婦女殉難者九人

見湖南
褒忠錄

任氏李同亮妻監生李時緯之母孀居四十年是年六月二十

四日賊竄復振團罵賊遇害年六十四

蘇氏李中錦妻生員李承昉之母與李時緯母任氏指賊怒罵賊斷其手殞命承昉子婦謝氏任氏亟力救之且哭且罵均遭鬻割而死蘇氏年六十謝氏時銳妻年二十八任氏時鏢妻年二十六

余氏李光炳妻罵賊遇害年二十五王氏李瓊林妻方氏李載昆妻余氏李載翰妻高氏李萬春妻均於是日賊至被戕王年四十方六十余二十四高年五十一

以上係李門九人

阮淵玉字芝房道光己酉科舉人揀選知縣武陵教諭文錦子咸豐五年六月崇通賊竄逼縣境二十二日淵玉募勇扼要堵

巴陵縣志

卷之三十九

人物志十二殉難

四

勦賊退二十四日賊大股闖入出不意至宅執淵玉淵玉大罵不屈立遭慘死祖母李氏年九十五因救孫罵賊亦遇害世父文祥又以救母被戕同時淵玉叔祖官懋同懷弟蕙田諸子紹璜從兄弟阮冕臣阮百朋阮以旋阮吉祥阮國進國武國蛟國正及李氏曾孫女紹瓊皆遇害一門殉義者男婦十六人文祥年七十官懋年六十五

李氏阮致中妻老阮李氏姪婦年六十因救老阮李氏被戕壽姑同知李欽憲女字同邑浙江山陰知縣方聯孚之子得壽婚期已近是年七月賊突至壽姑艱於行恐受辱投水死又第五女佑貞年十七於是年五月隨母劉氏避賊於公田賊突臨

亦自溺而死

李氏郭某妻李夷聖之女是年六月二十四日遇賊投水賊以矛刺之死年五十三

李氏周保之妻易氏羅氏均龍姓婦夫名不詳是年六月二十四日被賊追急均投水死

范氏女年十七字王氏父名不詳是年六月二十二日被賊逼投塘死

李氏女茅田里人李天章之女年十六字謝是年五月賊掠食村中偕母嫂避鄰舍破屋中賊迹之自眾中摔女出女度難免給賊云我願去須釋我母嫂賊從之及出門故逡巡久之度母

巴陵縣志

卷之三十九

人物志十二殉難

五

嫂逸去乘閒投水死

李寶玉妻周夫早卒守節撫孤咸豐五年遇賊懼辱與婦連氏同赴水死

羅乾一妻彭咸豐五年遇賊攜二子同赴水死

龍輝南妻羅年二十八夫故咸豐四年遇賊懼辱投水死

周烈女周永齡之女年十五隨母避賊猝與賊遇與母相失懼辱投水死

劉四姑者劉作原女年與周烈女同死亦同事俱在咸豐六年李敦吉妻張咸豐五年遇賊懼辱溺水死

熊氏女年十九咸豐四年遇賊懼辱溺水死

范滿秀范秀高女咸豐四年隨母避賊猝與賊遇賊劫之碎其衣投井死

李桃園妻董年二十二鄧奇珍妻高年二十五守節咸豐四年賊至俱懼辱投水死

徐登字兩如監生所居界平屬板江又與通城連通城土匪蜂起板江士紳設立全福團爲守禦計登以界相連立清會團相倚爲聲勢五年七月月田土匪余廣裕等勾結通邑曾家橋賊黨二千餘人掠左近鄉村登會全福團率勇三百人往勦賊聞風遁是夜登率團勇舍李姓鋪未五鼓賊數千突至圍李姓鋪登與全福團紳王允升率勇衝殺登遇害允升等突圍出免團

巴陵縣志

卷之三十九

人物志十二殉難

六

勇殉者二十八人

徐芳珍國學生咸豐四年三月賊竄岳州官兵扼要堵擊芳珍率家人勞以茶會兵潰芳珍突不及避指賊大罵賊叢擊身受十四傷而死屋被焚採訪冊芳珍率子弟及里中居民助官軍戰賊金鶚山下被賊執抗罵不止受重傷十四處赴水死同時殉難者萬遠輔遠富遠貴兄弟三人及劉宗榮張長善萬遠釗梁永壽萬遠福曹盛和余永世雷明友凡十一人

馮維善咸豐四年五月十八日因耕被擄不從賊砍其頭血流被面仍不從賊以刀刺其背洞穿而死

羅大藻咸豐五年賊至被擄投水死

李世平被賊擄憤罵不屈賊怒斷其足而死

張玉光與賊鬪被害

陳守明以鋤擊賊不中死於亂刃之下

李同玉遇賊被擄持破竹刀斫賊被賊斷喉而死

毛顯萬於賊入宅時持鐵槍與鬪傷二賊賊糾黨至被衆矛叢刺而死

毛第藻被擄至恭田陰謀殺賊謀洩遇害

毛必有遇一賊見其手無具直前擒之賊呼救羣賊至遇害

毛先見毛先忠被擄不從遇害

任孔時彭應高周秦封陳青仁李日祥羅常五羅代早涂應昌

彭仕達彭世德彭世梅彭應初均遇賊初戕以上見褒忠錄

巴陵縣志

卷之三十九

人物志十二殉難

七